

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), člana 33. stav (3) i člana 46. stav (1) Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23 i 10/23), Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23), Zaključka Vlade Kantona broj: 02-11-8298/23 od 19.05.2023. godine, Odluke Vlade Kantona o preraspodjeli sredstava u Budžetu Zeničko-dobojskog kantona za 2023. godinu, broj: 02-11-9145/23 od 02.06.2023. godine, Odluke Ministarstva finansija o preraspodjeli rashoda u Budžetu Zeničko-dobojskog kantona broj: 07-03-01/11-9396-2-1/23 od 09.11.2023. godine i Odluke Vlade Kantona o raspodjeli planiranih sredstava u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti- za zdravstvo“ broj: 02-11-17425/23 od 23.11.2023. godine, na prijedlog Ministarstva zdravstva, Vlada Zeničko-dobojskog kantona, na 4. sjednici, održanoj dana 23.11.2023. godine, d o n o s i

ZAKLJUČAK

o usvajanju Programa utroška sredstava planiranih u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti - za zdravstvo“

I.

Usvaja se Program utroška sredstava planiranih u Budžetu Zeničko-dobojskog kantona za 2023. godinu („Službene novine Zeničko-dobojskog kantona”, broj: 3/23) na poziciji „Kapitalni transferi drugim nivoima vlasti- za zdravstvo“ u iznosu od 5.133.157,00 KM (slovima: pet miliona stotinu trideset tri hiljade stotinu pedeset sedam konvertibilnih maraka), koji čini sastavni dio ovog zaključka.

II.

Sredstva planirana Budžetom Zeničko-dobojskog kantona za namjene predviđene ovim zaključkom realizovat će se isključivo u skladu sa realizacijom ostvarenih javnih prihoda u Budžetu Kantona.

III.

Zadužuju se Ministarstvo zdravstva i Ministarstvo finansija da realizuju ovaj zaključak, svako u okviru svojih nadležnosti.

IV.

Donošenjem ovog zaključka stavlja se van snage Zaključak Vlade Zeničko-dobojskog kantona broj: 02-11-9547/23 od 09.06.2023. godine.

V.

Zaključak stupa na snagu danom donošenja.

PREMIJER

Nezir Pivić

Broj: 02-_____/23

Datum, 23.11.2023. godine

Z e n i c a

DOSTAVLJENO:

1x Ministarstvo zdravstva,

1x Ministarstvo finansija,

1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA**

**PROGRAM
UTROŠKA SREDSTAVA PLANIRANIH
U BUDŽETU ZENIČKO-DOBOJSKOG KANTONA ZA 2023. GODINU
NA POZICIJI
“KAPITALNI TRANSFERI DRUGIM NIVOIMA VLASTI - ZA ZDRAVSTVO”**

Zenica, novembar 2023. godine

I UVOD

1. Pravni osnov

U skladu sa članom 33. stav (3) Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23 i 10/23), sredstva utvrđena u razdjelu 21 – Ministarstvo zdravstva, budžetska organizacija 01, potrošačka jedinica 0001, pozicija „Kapitalni transferi drugim nivoima vlasti - za zdravstvo“, koristit će se prema programu utroška, odnosno prema aktima koje donosi Vlada Kantona.

U skladu sa članom 46. stav (1) Zakona o izvršavanju Budžeta Zeničko-dobojskog kantona za 2023. godinu, Ministarstvo zdravstva predlaže Vladi Zeničko-dobojskog kantona program utroška sredstava iz člana 33. navedenog Zakona, a stavom (3) istog člana Zakona propisani su bitni elementi programa: naziv programa, svrha programa, visina sredstava, izvori iz kojih će se finansirati i kriteriji.

Članom 13. stav 2. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13) propisano je da Kanton osigurava sredstva za vršenje osnivačkih prava nad zdravstvenim ustanovama čiji je osnivač, a koji obuhvata investicijsko ulaganje i investicijsko i tekuće održavanje zdravstvenih ustanova, prostora, medicinske i nemedicinske opreme i prevoznih sredstava, te informatizaciju zdravstvene djelatnosti u skladu sa mogućnostima Budžeta Kantona.

Članom 13. stav 4. Zakona o zdravstvenoj zaštiti propisano je da Kanton osigurava sredstva za ostvarivanje društvene brige za zdravlje.

U skladu sa Zakonom o razvojnom planiranju i upravljanju razvojem u Federaciji Bosne i Hercegovine („Službene novine Federacije BiH“, broj: 32/17) i Uredbom o trogodišnjem i godišnjem planiranju rada, monitoringu i izvještavanju u Federaciji Bosne i Hercegovine („Službene novine Federacije BiH“, broj: 74/19 i 2/21), potrebno je program utroška sredstava uskladiti sa Strategijom razvoja Zeničko-dobojskog kantona za period 2021.-2027. godine, kao i sa Strategijom razvoja zdravstva u Zeničko-dobojskom kantonu za period 2016.-2025. godine, na način da se osigura ostvarenje strateških ciljeva kroz implemetiranje aktivnosti utvrđenih ovim strateškim dokumentima.

Izmjene programa utroška sredstava u toku godine donose se po proceduri utvrđenoj u naprijed navedenim propisima.

2. Razlozi za donošenje

Budžetom Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23) na razdjelu 21 – Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti - za zdravstvo“, planirana su sredstva u iznosu 4.301.700,00 KM.

Odlukom Vlade Federacije BiH o raspodjeli sredstava utvrđenih Budžetom Federacije Bosne i Hercegovine za 2022. godinu Federalnom ministarstvu finansija sa ekonomskog koda „Tekući transferi drugim nivoima vlasti i fondovima - kantoni“ („Službene novine Federacije BiH“, broj: 41/22 od 27.05.2022. godine), utvrđena su sredstva koja se raspoređuju u Budžet Zeničko-dobojskog kantona u iznosu od 31.878.226,00 KM, od čega se 50% odnosi na finansiranje kapitalnih investicija.

U skladu sa navedenom Odlukom, Vlada Kantona Zaključkom broj: 02-11-12308/22 od 11.08.2022. godine i Zaključkom broj: 02-11-18547/22 od 15.12.2022. godine prihvatila je Plan

investiranja dodijeljenih sredstava potpore iz Budžeta Federacije BiH u kojem su utvrđena sredstva u iznosu od 3.200.000,00 KM za finansiranje kapitalnih transfera drugim nivoima vlasti- za zdravstvo (JU Kantonalna bolnica Zenica, JU Opća bolnica Tešanj i domovi zdravlja). Ministarstvo zdravstva zaprimilo je zahtjeve zdravstvenih ustanova za finansiranjem kapitalnih investicija i to od: JU Kantonalna bolnica Zenica (dopis broj: 01-11-3041/23 od 13.04.2023. godine), Grada Zenica (dopis broj: 02-45-1406/23 od 24.01.2023. godine, 02-45-8615/23 od 28.04.2023. godine i 02-45-24571/23-1 od 28.04.2023. godine), JU „Dom zdravlja sa stacionarom“ Žepče (dopis broj: 02-04-3-16-243/23 od 28.03.2023. godine), JU „Dom zdravlja sa stacionarom“ Žepče (dopis broj: 02-04-3-16-244/23 od 28.03.2023. godine), JU Dom zdravlja „Prim. dr Mijo Grgić“ Usora (dopis broj: 51-03/23 od 30.03.2023. godine) i JU Opća bolnica Tešanj (dopis broj: 01-02-3134/23 od 29.03.2023. godine) i JU dom zdravlja Visoko (dopis broj: 1082/23 od 03.04.2023. godine).

Ministarstvo zdravstva uputilo je zahtjev Ministarstvu finansija broj: 11-11-12308-1/22 od 28.04.2023. godine kojim predlaže da se, ukoliko postoje raspoloživa sredstva od ukupno planiranih sredstava u iznosu 15.939.113,00 KM, u Plan investiranja uključe kapitalni projekti iz nadležnosti Ministarstva zdravstva (Projekat izgradnje objekta Hitne medicinske pomoći sa pratećim sadržajima u Zenici, Projekat izgradnje područne ambulante u Željeznom Polju, općina Žepče, nabavka sanitetskog vozila za JU „Dom zdravlja sa stacionarom“ Žepče, sufinansiranje nabavke RTG aparata za potrebe JU Dom zdravlja „Prim. dr Mijo Grgić“ Usora i sufinansiranje nabavke digitalnog mamografa za potrebe JU Opća bolnica Tešanj).

Vlada Kantona je Zaključkom broj: 02-11-8298/23 od 19.05.2023. godine prihvatila izmjene Plana investiranja dodijeljenih sredstava potpore iz Budžeta Federacije BiH za kapitalne investicije koji je Vlada Zeničko-dobojskog kantona prihvatila Zaključkom broj: 02-11-12308/22 od 11.08.2022. godine i 02-11-18547/22 od 15.12.2022. godine, kojim su planirana sredstva za Ministarstvo zdravstva u ukupnom iznosu od 5.870.367,00KM. Uzimajući u obzir utrošak sredstava u 2022. godini (3.004.075,00 KM), planirana sredstva za realizaciju kapitalnih investicija iz sredstava doznačenih iz Budžeta FBiH u 2023. godini iznose 2.866.292,00 KM.

Za realizaciju izmjenjenog Plana investiranja u 2023. godini utvrđena su nedostajuća planirana sredstva u iznosu 643.592,00 KM, koja su obezbjeđena Odlukom Vlade Kantona o preraspodjeli sredstava u Budžetu Zeničko-dobojskog kantona za 2023. godinu broj: 02-11-9145/23 od 02.06.2023. godine, kojom su sredstva na poziciji 615100- „Kapitalni transferi drugim nivoima vlasti - za zdravstvo“ uvećana za 643.592,00 KM i to preraspodjelom sredstava sa Kantonalne direkcije za ceste, pozicija 615100-„Kapitalni transferi drugim nivoima vlasti“ u iznosu 600.000,00 KM i Ministarstva za rad, socijalnu politiku i izbjeglice, pozicija 614100-KAD 221- „Poticaj zapošljavanja mladih“ u iznosu 43.592,00 KM.

U vezi prethodno navedenog, Vlada Kantona na prijedlog Ministarstva zdravstva usvojila je Odluku o raspodjeli planiranih sredstava u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti- za zdravstvo“ broj: 02-11-9511/23 od 09.06.2023. godine, koja je bila osnov za donošenje Programa utroška sredstava koji je usvojen Zaključkom Vlade Kantona broj: 02-11-9547/23 od 09.06.2023. godine.

JU Kantonalna bolnica Zenica obratila se Ministarstvu zdravstva zahtjevom broj: 01-11-7699/23 od 01.11.2023. godine za izmjene programa utroška sredstava u smislu povećanja planiranih sredstava za:

- Program utroška sredstava planiranih u Budžetu Zeničko-dobojskog kantona za 2023. godinu na razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100 - „Tekući transferi drugim nivoima vlasti“, subanalitika LAX010 „Tekući transfer za JU Kantonalna bolnica Zenica“ broj: 02-11-5925/23 od 11.04.2023. godine (za 467.844,60 KM) i
- Program utroška sredstava planiranih u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti - za zdravstvo“ broj: 02-11-9547/23 od 09.06.2023. godine (za 187.863,35 KM).

U zahtjevu je navedeno da se dodatna planirana sredstva obezbjeđuju preraspodjelom sredstava sa pozicije 614100, Tekući transfer za JU Kantonalna bolnica Zenica-za PDV po projektu “Poboljšanje energetske efikasnosti u JU Kantonalna bolnica Zenica” koji se finansira iz kredita EBRD, za koje je evidentno da se sredstva neće utrošiti do kraja 2023. godine.

Ministarsvo finansija, na prijedlog Ministarstva zdravstva, a u skladu sa članom 15. stav (1) Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23 i 10/23) donijelo je Odluku o preraspodjeli rashoda u Budžetu Zeničko-dobojskog kantona broj: 07-03-01/11-9396-2-1/23 od 09.11.2023. godine, kojom su sredstva u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti - za zdravstvo“ uvećana za 187.865,00 KM. Uzimajući u obzir uvećanje planiranih sredstava na poziciji „Kapitalni transferi drugim nivoima vlasti - za zdravstvo“, neophodno je usvojiti novi Program utroška sredstava koji će obuhvatiti sve nabavke planirane Programom utroška sredstava planiranih u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti - za zdravstvo“ broj: 02-11-9547/23 od 09.06.2023. godine i dodatne planirane nabavke u iznosu 187.865,00 KM.

3. Naziv programa

Sredstva kapitalnih transfera za zdravstvo sa pozicije Ministarstvo zdravstva Zeničko-dobojskog kantona koristit će se po programu pod nazivom:

Program utroška sredstava planiranih u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti - za zdravstvo“.

4. Ciljevi programa

Vlada Zeničko-dobojskog kantona kao osnivač zakonski je obavezna vršiti ulaganja u investicijsko i tekuće održavanje, prostora, medicinske i nemedicinske opreme i prevoznih sredstava, te informatizaciju zdravstvene djelatnosti u skladu sa mogućnostima Budžeta Kantona. JU Kantonalna bolnica Zenica je ustanova od opšteg značaja za liječenje pacijenata sa područja Zeničko-dobojskog kantona.

Ulaganja u projekte i opremu u zdravstvenim ustanovama kojima su osnivači gradovi/općine kroz zajedničko finansiranje u slučaju projekata veće vrijednosti doprinosi se kvalitetu pružanja primarne zdravstvene zaštite u Kantonu i rješavanju urgentnih potreba zdravstvenih ustanova u cilju kontinuiteta pružanja usluga i unapređenju prevencije kroz nabavku savremenih aparata.

Izdvajanjem sredstava za namjene utvrđene Programom doprinosi se realizaciji programa iz Strategije razvoja Zeničko-dobojskog kantona za period 2021.-2027. godine pod nazivom „Unapređenje kvaliteta i načina pružanja usluga“, tj. doprinosi se:

- podizanju zdravstvene zaštite na viši nivo kroz nabavku neophodne medicinske i nemedicinske opreme,
- humanizaciji uslova za boravak pacijenata i povećanju zadovoljstva zdravstvenih radnika, poboljšanim uslovima rada i boravka u prostorima namjenjenih liječenju pacijenata kroz izgradnju i adaptaciju novih i postojećih građevinskih objekata,
- obnavljanju zastarjele opreme,
- povećanju zadovoljstva korisnika zdravstvenih usluga i
- smanjenju odliva sredstava u druge kantone za pružene zdravstvene usluge u drugim zdravstvenim ustanovama.

5. Izvori sredstava

Budžetom Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23) na razdjelu 21 – Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti - za zdravstvo“, planirana su sredstva u iznosu 4.301.700,00 KM. Vlada Kantona, na prijedlog Ministarstva finansija donijela je Odluku o preraspodjeli sredstava u Budžetu Zeničko-dobojskog kantona za 2023. godinu broj: 02-11-9145/23 od 02.06.2023. godine, kojom su sredstva na poziciji 615100- „Kapitalni transferi drugim nivoima vlasti - za zdravstvo“ uvećana za 643.592,00 KM. Ministarstvo finansija, na prijedlog Ministarstva zdravstva donijelo je Odluku o preraspodjeli rashoda u Budžetu Zeničko-dobojskog kantona broj: 07-03-01/11-9396-2-1/23 od 09.11.2023. godine, kojom su sredstva u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti - za zdravstvo“ uvećana za 187.865,00 KM.

Uzimajući u obzir prethodno navedeno ukupno planirana sredstva za realizaciju Programa utroška sredstava planiranih u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti - za zdravstvo“ iznose 5.133.157,00 KM. U okviru navedenih sredstava na kapitalne projekte koji se finansiraju sredstvima Budžeta Zeničko-dobojskog kantona odnosi se 2.266.865,00 KM ili 44,16%, a na kapitalne projekte po Planu investiranja dodijeljenih sredstava potpore iz Budžeta Federacije BiH (Zaključak Vlade Kantona broj: 02-11-8298/23 od 19.05.2023. godine) odnosi se 2.866.292,00 KM ili 55,84%

Realizacija se ostvaruje donošenjem programa utroška sredstava i odgovarajućih akata (odluka) o odobravanju sredstava od strane Vlade Zeničko-dobojskog kantona, a prema operativnim planovima potrošnje usklađenim sa procentom ostvarenja javnih prihoda, osim u slučajevima odobrenim posebnom odlukom Vlade Kantona.

6. Korisnici programa

Korisnici Programa su javne zdravstvene ustanove sa područja Zeničko-dobojskog kantona. Potrošnja planiranih sredstava za kapitalne transfere za zdravstvo u 2023. godini podijeljena je u dvije cjeline:

- Kapitalni transferi JU Kantonalna bolnica Zenica u iznosu 2.266.865,00KM i
- Kapitalni transferi za finansiranje kapitalnih projekata u skladu sa izmjenjenim Planom

investiranja dodijeljenih sredstava potpore iz Budžeta Federacije BiH, koji je Vlada Kantona prihvatila Zaključkom broj: 02-11-8298/23 od 19.05.2023. godine u iznosu 2.866.292,00KM.

II PROGRAMI

1. Kapitalni transferi JU Kantonalna bolnica Zenica - planirana sredstva 2.266.865,00 KM

Vlada Zeničko-dobojskog kantona u Budžetu Zeničko-dobojskog kantona planira sredstva namijenjena JU Kantonalna bolnica Zenica za nabavku opreme i druga ulaganja koja imaju karakter stalne imovine sukladno članu 13. Zakona o zdravstvenoj zaštiti („Službene novine Federacije Bosne i Hercegovine”, broj: 46/10 i 75/13), obzirom da se radi o zdravstvenoj ustanovi čije je osnivač Vlada Kantona i ustanovi od opšteg značaja za liječenje pacijenata sa područja Zeničko-dobojskog kantona.

Treba napomenuti da je značajan dio sredstava za kapitalne investicije u JU Kantonalna bolnica Zenica obezbjeđen iz sredstava Budžeta Federacije BiH u skladu sa Odlukom o odobravanju Programa finansijske konsolidacije i restrukturiranja JU Kantonalna bolnica Zenica („Službene novine Zeničko-dobojskog kantona“, broj: 22/22).

Nabavkom nove i savremenije opreme doprinosi se većem kvalitetu zdravstvene zaštite, smanjenju listi čekanja, većoj zaštiti pacijenata, ali i zdravstvenih radnika prilikom izvođenja određenih zahvata, povećanju broja usluga koje se pružaju pacijentima.

Planirana sredstva za JU Kantonalna bolnica Zenica u skladu sa Programom utroška sredstava planiranih u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti - za zdravstvo“, broj: 02-11-9547/23 od 09.06.2023. godine, pri čemu je prioritete za izradu Programa dostavila JU Kantonalna bolnica Zenica zahtjevom broj:01-11-3041/23 od 13.04.2023. godine, iznosila su 2.079.000,00 KM i u cjelosti se finansiraju iz sredstava Budžeta Zeničko-dobojskog kantona.

JU Kantonalna bolnica Zenica dostavila je Ministarstvu zdravstva zahtjev broj:01-11-7699/23 od 01.11.2023. godine, kojim se traži izmjena Programa utroška sredstava kojim bi sredstva za kapitalne transfere za JU Kantonalna bolnica Zenica bila uvećana za 187.865,00 KM.

Ministarstvo finansija je na zahtjev Ministarstva zdravstva donijelo Odluku o preraspodjeli rashoda u Budžetu Zeničko-dobojskog kantona za 2023. godinu, kojom su planirana sredstva na poziciji 615100-„kapitalni transferi drugim nivoima vlasti – za zdravstvo uvećana 187.865,00 KM, što je osnov za donošenje ovog Programa.

Redni broj	Vrsta ulaganja	Iznos po Programu utroška sredstava broj: : 02-11-9547/23 od 09.06.2023. godine	Dopuna Programa u skladu sa Odlukom o preraspodjeli rashoda broj:07-03-01/11-9396-2-1/23 od 09.11.2023. godine	Ukupno planirana sredstva za 2023. godinu
------------	----------------	---	--	---

1.	Nabavka medicinske i nemedicinske opreme opreme	924.246,15KM	164.860,00	1.089.106,15
2.	Građevinski radovi	1.140.671,31KM	12.803,50	1.153.474,81
3.	Nabavka rezervnih dijelova za medicinsku i nemedicinsku opremu	14.082,54 KM	10.201,50	24.284,04
	UKUPNO	2.079.000,00 KM	187.865,00	2.266.865,00

1. Nabavka medicinske i nemedicinske opreme u ukupnom iznosu od **1.089.106,15 KM** odnosi se: na realizaciju jednog ugovora koji je zaključen u 2021. godini, a čiji dio teretiti 2023. godinu, na zaključene ugovore o nabavci medicinske opreme krajem 2022. godine, a čija realizacija je u 2023. godini i realizaciju ugovora i faktura zaključenih tokom 2023. godine.

1.1. JU Kantonalna bolnica Zenica je zaključila sa „Diamedic“ d.o.o. Sarajevo Ugovor broj: 32-04-8446/21 od 31.12.2021. godine za nabavku spect kamere u ukupnoj vrijednosti 1.168.666,20 KM sa PDV-om, sa uslovima plaćanja 50% avansno u iznosu od 584.333,10 KM. Avansna uplata po osnovu ovog Ugovora finansirana je sredstvima po osnovu Ugovora o dodjeli sredstava „Tekući transfer drugim nivoima vlasti i fondovima - Transfer za sanaciju zdravstvenih ustanova u Federaciji Bosne i Hercegovine“ iz Budžeta Federacije Bosne i Hercegovine za 2021. godinu. Ostatak ugovorene cijene se plaća u 24 rate po 24.347,21 KM. Vlada Zeničko-dobojskog kantona donijela je Odluku o odobravanju sredstava broj: 02-11-6309/22 od 14.04.2022. godine na iznos 146.083,28 KM (šest mjesečnih rata nakon isporuke i instaliranja opreme). Zbog problema u isporuci aparata troškovi koji su teretili 2022. godinu po osnovu navedenog Ugovora su bili 3 mjesečne rate po 24.347,21 KM, odnosno 73.041,63 KM. Budžet Zeničko-dobojskog kantona za 2023. godinu po osnovu ovog Ugovora teretit će 12 mjesečnih rata po 24.347,21 KM ili **ukupno 292.166,52 KM.**

1.2. JU Kantonalna bolnica Zenica je zaključila sa „Diamedic“ d.o.o. Sarajevo Ugovor broj: 22-04-9656/22 od 26.12.2022. godine za nabavku anestezioloških aparata (3 kom) za potrebe Odjela anesteziologije, reanimatologije i intenzivnog liječenja u **ukupnoj vrijednosti 292.383,00 KM** sa PDV-om, sa plaćanjem u roku 60 dana od puštanja medicinske opreme u rad i dostavljanja fakture.

1.3. JU Kantonalna bolnica Zenica je zaključila sa „Proma“ d.o.o. Sarajevo Ugovor broj: 22-04-9573/22 od 22.12.2022. godine za nabavku operacionog stola za potrebe Odjela plastične i rekonstruktivne hirurgije, čija ukupna ugovorena vrijednost iznosi **116.415,00 KM sa PDV-om**, sa plaćanjem u roku 60 dana od puštanja medicinske opreme u rad i dostavljanja fakture.

- 1.4. JU Kantonalna bolnica Zenica je zaključila sa „Medical“ d.o.o. Mostar Ugovor broj: 32-04-9398/22 od 16.12.2022. godine za nabavku ultrazvučnog aparata, čija ukupna ugovorena vrijednost iznosi **75.465,00 KM sa PDV-om**, sa plaćanjem u roku 60 dana od puštanja medicinske opreme u rad i dostavljanja fakture.
- 1.5. JU Kantonalna bolnica Zenica je zaključila sa „Paroco-B“ d.o.o. Banja Luka Ugovor broj: 22-04-9910/22 od 30.12.2022. godine za nabavku aspiratora za hirurške sale (2 kom), čija ukupna ugovorena vrijednost iznosi **12.823,20 KM sa PDV-om**, sa plaćanjem u roku 60 dana puštanja medicinske opreme u rad i dostavljanja fakture.
- 1.6. JU Kantonalna bolnica Zenica je zaključila sa „Siemens medicina“ d.o.o. Sarajevo Ugovor broj: 22-04-9910/22 od 13.02.2023. godine za nabavku dodatne opreme za ultrazvučni aparat za potrebe Odjela urologije, čija ukupna ugovorena vrijednost iznosi **18.133,83 KM sa PDV-om**, sa plaćanjem u roku 60 dana puštanja medicinske opreme u rad i dostavljanja fakture.
- 1.7. JU Kantonalna bolnica Zenica je zaključila sa „Siemens medicina“ d.o.o. Sarajevo Ugovor broj: 22-04-9910/22 od 13.02.2023. godine za nabavku dodatne opreme za ultrazvučni aparat za potrebe Odjela urologije, čija ukupna ugovorena vrijednost iznosi **18.133,83 KM sa PDV-om**, sa plaćanjem u roku 60 dana puštanja medicinske opreme u rad i dostavljanja fakture.
- 1.8. **Nabavka medicinskog namještaja** u cjelosti se odnosi na realizaciju Ugovora broj: 22-04-9585/22 od 22.12.2022. godine za nabavku ormarića i natkasni u bolesničkim sobama, koji je JU Kantonalna bolnica Zenica zaključila sa „Derby trade“ d.o.o. Brčko. Ukupna ugovorena vrijednost iznosi **116.859,60 KM sa PDV-om**, sa plaćanjem u roku 60 dana od isporuke i dostavljanja fakture.
- 1.9. Iz dodatno planiranih sredstava za nabavka medicinske opreme (EKG aparati, dijagnostički audiometar, rekorder za EKG holter aparat, bioptron lampa za fizijatriju i sl.) i nemedicinske opreme (UPS uređaj za centralnu laboratoriju, lift na dermatovenerologiji i sl) planirana su sredstva u ukupnom iznosu **164.860,00 KM** za pokriće troškova navedenih nabavki.

2. Za građevinske radove planirana su sredstva u ukupnom iznosu od 1.153.484,71 KM.

- 2.1. Planirana sredstva se odnose na realizaciju Ugovora broj: 32-04-8840/22 od 01.12.2022. godine, koji je JU Kantonalna bolnica Zenica zaključila sa „Alfa med“ d.o.o. Tomislavgrad za nabavku izvođenja radova Instalacija kisika i komprimiranog zraka u operacionim salama Odjela ortopedije i traumatologije, plastične i rekonstruktivne hirurgije i oftamologije i instalacija kisika za intenzivnu njegu neurologije. Ukupna ugovorena vrijednost radova iznosi **38.671,31 KM sa PDV-om**.
- 2.2. U okviru planiranih sredstava iznos od **702.000,00 KM** se odnosi na rekonstrukciju koronarne jedinice Odjela interne medicine.
- 2.3. U okviru planiranih sredstava iznos od **400.000,00 KM** se odnosi na izgradnju objekta za smještaj infektivnog otpada.

2.4. U okviru planiranih sredstava za građevinske radove planirana su sredstva u iznosu **12.803,50 KM** za pokriće troškova sanacije asfaltnih površina na saobraćajnicama.

3. Za **nabavku rezervnih dijelova** planirana su sredstva u iznosu **24.284,04 KM.**

Kriterij za dodjelu sredstava

Prioritetne nabavke u okviru planiranih sredstava utvrđuje menadžment JU Kantonalna bolnica Zenica. Za dio ranije zaključenih ugovora o nabavci opreme, građevinskih radova i rezervnih dijelova sa ugradnjom, čiji troškovi terete 2023. godinu, a u skladu sa Programom utroška sredstava planiranih u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti - za zdravstvo“, Vlada Zeničko-dobojskog kantona, na prijedlog Ministarstva zdravstva donosi odluke o odobravanju sredstava.

Za ostale nabavke, koje su prema prioritetima koje je utvrdila JU Kantonalna bolnica Zenica u okviru planiranih sredstava, zdravstvena ustanova provodi postupak javne nabavke u skladu sa Zakonom o javnim nabavkama („Službeni glasnik Bosne i Hercegovine“, broj: 39/14 i 59/22) i Planom nabavki ove zdravstvene ustanove usklađenim sa Programom.

Nakon okončanja postupka javnih nabavki JU Kantonalna bolnica Zenica podnosi zahtjev Ministarstvu zdravstva za odobravanjem sredstava. Na prijedlog Ministarstva zdravstva, Vlada Zeničko-dobojskog kantona donosi odluke o odobravanju sredstava.

Uslovi transferisanja sredstava na žiro-račun JU Kantonalna bolnica Zenica broj: 134-010-0000339717 otvoren kod ASA banke, kao i način dokazivanja namjenskog utroška sredstava precizirat će se svakom pojedinačnom odlukom o odobravanju sredstava.

2. Kapitalni transferi za finansiranje kapitalnih projekata u skladu sa izmjenjenim Planom investiranja dodijeljenih sredstava potpore iz Budžeta Federacije BiH, koji je Vlada Kantona prihvatila Zaključkom broj: 02-11-8298/23 od 19.05.2023. godine– planirana sredstva 2.866.292,00 KM

Odlukom Vlade Federacije BiH o raspodjeli sredstava utvrđenih Budžetom Federacije Bosne i Hercegovine za 2022. godinu Federalnom ministarstvu finansija sa ekonomskog koda „Tekući transferi drugim nivoima vlasti i fondovima - kantoni“ („Službene novine Federacije BiH“, broj: 41/22 od 27.05.2022. godine), utvrđena su sredstva koja se raspoređuju u Budžet Zeničko-dobojskog kantona u iznosu od 31.878.226,00 KM, od čega se 50% odnosi na finansiranje kapitalnih investicija.

U skladu sa navedenom Odlukom, Vlada Kantona Zaključkom broj: 02-11-12308/22 od 11.08.2022. godine i Zaključkom broj: 02-11-18547/22 od 15.12.2022. godine prihvatila je Plan investiranja dodijeljenih sredstava potpore iz Budžeta Federacije BiH u kojem su utvrđena sredstva u iznosu od 3.200.000,00 KM za finansiranje kapitalnih transfera drugim nivoima

vlasti- za zdravstvo (JU Kantonalna bolnica Zenica, JU Opća bolnica Tešanj i domovi zdravlja). Prema podacima Ministarstva finansija Zeničko-dobojskog kantona na dan 31.12.2022. godine po osnovu Plana investiranja Ministarstvo zdravstva je utrošilo ukupno 3.004.075,00 KM.

U skladu sa Zaključkom Vlade Kantona broj: 02-11-8298/23 od 19.05.2023. godine prihvaćen je izmjenjeni Plan investiranja, kojim su planirana sredstva za Ministarstvo zdravstva u ukupnom iznosu od 5.870.367,00KM. Uzimajući u obzir utrošak sredstava u 2022. godini, planirana sredstva za realizaciju kapitalnih investicija iz sredstava doznačenih iz Budžeta FBiH u 2023. godini iznose 2.866.292,00 KM.

U skladu sa tačkom II Odluke Vlade Federacije BiH o raspodjeli sredstava utvrđenih Budžetom Federacije Bosne i Hercegovine za 2022. godinu Federalnom ministarstvu finansija sa ekonomskog koda „Tekući transferi drugim nivoima vlasti i fondovima - kantoni“, Zeničko-dobojski kanton dužan je izvještaj o utrošku sredstava dostaviti Federalnom ministarstvu finansija do 31.12.2023. godine.

U sljedećem tabelarnom pregledu dati su projekti koji će u 2023. godini biti finansirani iz sredstava koja su doznačena iz FBiH, a u skladu sa sa Zaključkom Vlade Kantona broj: 02-11-8298/23 od 19.05.2023. godine:

Red. br.	Naziv	Iznos u KM
1.	Projekat sufinansiranja izgradnje objekta Službe hitne medicinske pomoći sa pratećim sadržajima u Zenici	1.500.000,00
2.	Projekat sufinansiranja izgradnje područne ambulante u Željeznom Polju, općina Žepče	200.000,00
3.	Sufinansiranje nabavke sanitetskog vozila za JU „Dom zdravlja sa stacionarom“ Žepče	136.292,00
4.	Sufinansiranje nabavke RTG aparata za potrebe JU Dom zdravlja „Prim. dr Mijo Grgić“ Usora	200.000,00
5.	Sufinansiranje nabavke digitalnog mamografa u JU Opća bolnica Tešanj	250.000,00
6.	Projekat sufinansiranja izgradnje objekta ambulante porodične medicine u Mjesnoj zajednici Perin Han	580.000,00
	Ukupno	2.866.292,00

2.1. Projekat sufinansiranja izgradnje objekta Hitne medicinske pomoći sa pratećim sadržajima u Zenici

Grad Zenica dopisima broj: 02-45-1406/23 od 24.01.2023. godine i 02-45-8615/23 od 28.04.2023. godine obratio se Vladi Kantona i Ministarstvu zdravstva sa prijedlogom za sufinansiranje Projekta izgradnje objekta Službe hitne medicinske pomoći radi unapređenja zdravstvenih usluga građanima Zenice.

Ovim Programom planirana su sredstva u iznosu 1.500.000,00 KM za realizaciju Projekta sufinansiranja izgradnje objekta Službe hitne medicinske pomoći sa pratećim sadržajima u Zenici u 2023. godini.

Prema obaviještenju o nabavci broj: 1355-1-3-126-3-103/23 od 19.05.2023. godine Grad Zenica je pokrenuo postupak javne nabavke (otvoreni postupak) za izgradnju zgrade Službe hitne medicinske pomoći sa pratećim sadržajima, čija je procijenjena vrijednost 7.000.000,00 KM bez PDV-a.

U dopisima koji su dostavljeni od strane Grada Zenica Ministarstvu zdravstva predloženo je da u zajedničkom finansiranju za realizaciju Projekta učestvuju:

- Grad Zenica sa učešćem od 3.500.000,00 KM i to: u 2023. godini 1.500.000,00 KM i u 2024. godini 2.000.000,00 KM
- Vlada Zeničko-dobojskog kantona, odnosno Ministarstvo zdravstva sa učešćem od 3.500.000,00 KM i to: u 2023. godini 1.500.000,00 KM i u 2024. godini 2.000.000,00 KM i
- JU „Dom zdravlja“ Zenica u iznosu 1.000.000,00 KM.

Vlada Zeničko-dobojskog kantona je Zaključkom broj:02-11-10982/23 od 07.07.2023. godine dala saglasnost ministrici Ministarstva zdravstva da sa gradonačelnikom Grada Zenica potpiše Sporazum o zajedničkom finansiranju Projekta izgradnje objekta Službe hitne medicinske pomoći sa pratećim sadržajima u Zenici, koji je osnov za donošenje odluke o odobravanju sredstava.

2.2. Projekat sufinansiranja izgradnje područne ambulate u Željeznom Polju, općina Žepče

JU „Dom zdravlja sa stacionarom“ Žepče dopisom broj: 02-04-3-16-243/23 od 28.03.2023. godine obratila se Ministarstvu zdravstva sa molbom za finansiranjem izgradnje područne ambulate Željezno Polje. Stari objekat područne ambulate je teško oštećen i Rješenjem Općinskog urbanističkog inspektora zabranjena je upotreba istog. Područna ambulanta kojoj gravitira 5000 stanovnika je privremeno izmještena u prostorije OŠ „Abdulsehab Ilhamija“ Željezno Polje.

Općina Žepče dopisom broj: 01/1-33-408/23 od 05.04.2023. godine obratila se Vladi Kantona i Ministarstvu zdravstva sa prijedlogom za sufinansiranje Projekta izgradnje područne ambulate u Željeznom Polju u općini Žepče.

JU „Dom zdravlja sa stacionarom“ Žepče, čiji je osnivač Općina Žepče nije u mogućnosti finansirati navedeni Projekat iz vlastitih sredstava.

Procijenjena vrijednost izgradnje objekta područne ambulate u Željeznom polju, a na osnovu idejnog rješenja iznosi 480.000,00 KM., od čega bi Vlada Kantona, odnosno Ministarstvo zdravstva učestvovalo sa 400.000,00 KM ili 83,3% i to u 2023. godini sa 200.000,00 KM i u 2024. godini sa 200.000,00 KM, Općina Žepče sa 70.000,00 KM ili 14,6% u 2023. godini i JU „Dom zdravlja sa stacionarom“ Žepče u iznosu 10.000,00 KM ili 2,1% u 2023. godini.

Ovim Programom planirana su sredstva u iznosu 200.000,00 KM za realizaciju Projekta sufinansiranja izgradnje područne ambulate u Željeznom Polju, općina Žepče u 2023. godini.

Vlada Zeničko-dobojskog kantona je Zaključkom broj:02-11-10983/23 od 07.07.2023. godine dala saglasnost ministrici Ministarstva zdravstva da sa načelnikom Općine Žepče i direktoricom JU „Dom zdravlja sa stacionarom“ Žepče potpiše Sporazum o zajedničkom finansiranju Projekta izgradnje objekta ambulate porodične medicine u Željeznom Polju, Općina Žepče, koji je osnov za donošenje odluke o odobravanju sredstava.

2.3. Sufinansiranje nabavke sanitetskog vozila za JU „Dom zdravlja sa stacionarom“ Žepče

JU „Dom zdravlja sa stacionarom“ Žepče dopisom broj: 02-04-3-16-244/23 od 28.03.2023. godine obratila se Ministarstvu zdravstva sa molbom za finansiranjem nabavke novog sanitetskog vozila, obzirom da trenutno raspolaže samo sa jednim sanitetskim vozilom koje zadovoljava propisane standarde, a ova zdravstvena ustanova u pružanju zdravstvenih usluga pokriva razuđen teren sa uglavnom teško dostupnim ruralnim područjima.

Za finansiranje nabavke sanitetskog vozila iz sredstava Vlade Kantona, odnosno Ministarstva zdravstva planirana su sredstva u iznosu od 136.292,00 KM. U slučaju da vrijednost nabavke bude veća od iznosa odobrenih sredstava, JU „Dom zdravlja sa stacionarom“ Žepče će razliku u odnosu na odobrena sredstva finansirati iz vlastitih sredstava.

JU „Dom zdravlja sa stacionarom“ Žepče će provesti postupak javne nabavke sanitetskog vozila na osnovu Odluke o odobravanju sredstava koju će donijeti Vlada Kantona, na prijedlog Ministarstva zdravstva, a sredstva će se transferisati na osnovu dostavljenog Ugovora o nabavci, dok će namjenski utrošak sredstava biti pravdan dostavljanjem Ministarstvu zdravstva ispostavljene fakture dobavljača i dokazom o uplati sredstava dobavljaču sukladno odredbama zaključenog ugovora.

2.4. Sufinansiranje nabavke RTG aparata za potrebe JU Dom zdravlja „Prim. dr Mijo Grgić“ Usora

JU Dom zdravlja „Prim. dr Mijo Grgić“ Usora dopisom broj: 51-03/23 od 30.03.2023. godine obratila se Ministarstvu zdravstva sa molbom za finansiranjem nabavke RTG aparata, obzirom da je postojeći proizveden 1996. godine i nije u funkciji, a zdravstvena ustanova nije u mogućnosti isti nabaviti iz vlastitih sredstava. Trenutno pacijenti sa područja općine Usora usluge RTG snimanja obavljaju u JU Opća bolnica Tešanj.

Za sufinansiranje nabavke RTG aparata iz sredstava Vlade Kantona, odnosno Ministarstva zdravstva planirana su sredstva u iznosu od 200.000,00 KM. U slučaju da vrijednost nabavke bude veća od iznosa odobrenih sredstava, JU Dom zdravlja „Prim. dr Mijo Grgić“ Usora će razliku u odnosu na odobrena sredstva finansirati iz vlastitih sredstava ili drugih izvora.

JU Dom zdravlja „Prim. dr Mijo Grgić“ Usora će provesti postupak javne nabavke RTG aparata na osnovu Odluke o odobravanju sredstava koju će donijeti Vlada Kantona, na prijedlog Ministarstva zdravstva, a sredstva će se transferisati na osnovu dostavljenog Ugovora o nabavci, dok će namajenski utrošak sredstava biti pravdan dostavljanjem Ministarstvu zdravstva ispostavljene fakture dobavljača i dokazom o uplati sredstava dobavljaču sukladno odredbama zaključenog ugovora.

2.5. Sufinansiranje nabavke digitalnog mamografa u JU Opća bolnica Tešanj

JU Opća bolnica Tešanj dopisom broj: 01-02-3134/23 od 29.03.2023. godine obratila se Ministarstvu zdravstva sa molbom za finansiranjem nabavke digitalnog mamografa, obzirom da je postojeći star 30 godina, često je u kvaru i nije adekvatan za modernu dijagnostiku. U okviru realizacije projekta “Od spoznaje do liječenja: Žene glavni nosioci prava na zdravlje u BiH“ koji implementira RE.TE-Udruženje tehničara za solidarnost i međunarodnu saradnju u partnerstvu sa Vladom Zeničko-dobojskog kantona, Ministarstvom zdravstva, Institutom za zdravlje i sigurnost hrane Zenica i JU Kantonalna bolnica Zenica, planirana je nabavka digitalnog mamografa za JU Opća bolnica Tešanj u cilju uspješnog provođenja Programa ranog otkrivanja tumora dojke.

JU Opća bolnica Tešanj će provesti postupak javne nabavke digitalnog mamografa na osnovu Odluke o odobravanju sredstava koju će donijeti Vlada Kantona, na prijedlog Ministarstva zdravstva, a sredstva će se transferisati na osnovu dostavljenog Ugovora o nabavci, dok će namajenski utrošak sredstava biti pravdan dostavljanjem Ministarstvu zdravstva ispostavljene fakture dobavljača i dokazom o uplati sredstava dobavljaču sukladno odredbama zaključenog ugovora.

2.6. Projekat sufinansiranja izgradnje objekta ambulate porodične medicine u Mjesnoj zajednici Perin Han

Grad Zenica se dopisima broj: 02-45-24571/23-1 od 28.04.2023. godine obratio se Vladi Kantona i Ministarstvu zdravstva sa prijedlogom za sufinansiranje Projekta izgradnje ambulate porodične medicine u Mjesnoj zajednici Perin Han.

Ambulanta porodične medicine je smještena u montažnom objektu, te se zdravstvene usluge za 2133 stanovnika pružaju u neadekvatnom prostoru.

U pripremi je izrada glavnog projekta, čija procijenjena vrijednost iznosi 1.500.000,00 KM sa PDV-om, a vrijednost izgradnje prostora ambulate porodične medicine sa apotekom, uključujući uređenje prostora je 650.000,00KM sa PDV-om.

Za sufinansiranje Projekta izgradnje ambulate porodične medicine sa apotekom u Mjesnoj zajednici Perin Han u skladu sa Planom investiranja iz sredstava Vlade Kantona, odnosno Ministarstva zdravstva planirana su sredstva u iznosu od 580.000,00 KM za 2023. godinu.

Vlada Zeničko-dobojskog kantona je Zaključkom broj: 02-11-15197/23 od 09.10.2023. godine dala saglasnost ministrici Ministarstva zdravstva da sa gradonačelnikom Grada Zenica potpiše Sporazum o zajedničkom finansiranju Projekta izgradnje objekta Ambulate porodične medicine sa pratećim sadržajima u MZ Perin Han u Zenici, koji je osnov za donošenje odluke o odobravanju sredstava.

PREMIJER

Nezir Pivić

Broj: 02-_____/23
Datum, 23.11.2023. godine
Z e n i c a

DOSTAVLJENO:

1x Ministarstvo zdravstva,

1x Ministarstvo finansija,

1x a/a.